

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Broj: 02-04-1469/22-AP-3  
Datum: 07.08.2023. godine

GRADSKO VIJEĆE ZAVIDOVIĆI  
n/r PREDSJEDAVAJUĆI GRADSKOG VIJEĆA  
Admir Fojnica, prof.

PREDMET: Nacrt odluke o pečatu Grada Zavidovići, dostavlja se


U prilogu akta dostavljam Vam Nacrt odluke o pečatu Grada Zavidovići.

Nacrt odluke o pečatu Grada Zavidovići sa obrazloženjem gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem.

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 01- \_\_\_\_\_

Datum: \_\_\_\_\_ 2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i člana 6. stav (4) i 10. Privremene Statutarne odluke Grada Zavidovići („Službene glasnik općine Zavidovića“ broj: 4/2022), Gradsko vijeće Zavidovići, na \_\_\_. sjednici održanoj \_\_\_. 2023. godine donosi

O D L U K U  
o pečatu Grada Zavidovića

DIO I - OPĆE ODREDBE

Član 1.  
(Predmet)

Ovom Odlukom utvrđuju se organi Grada Zavidovića koji imaju pravo na pečat Grada Zavidovići, oblik i sadržaj pečata, izrada pečata, čuvanje i upotreba pečata, kao i druga pitanja u vezi pečata Grada Zavidovići.

Član 2.  
(Posjedovanje pečata)

Pravo na pečat Grada Zavidovića imaju:

- a) Gradsko vijeće Zavidovići,
- b) Gradonačelnik,
- c) Gradske službe za upravu,
- d) Stručne službe Grada Zavidovići,
- e) Gradsko pravobranilaštvo Zavidovići,
- f) Gradska izborna komisija.

Član 3.  
(Značaj pečata)

(1) Pečatom se utvrđuje autentičnost službenih akata organa iz člana 2. ove Odluke (u daljem tekstu: Gradski organi).

(2) Pečat se stavlja na izvorne akte koje potpisuju rukovodioci ili predsjedavajući Gradskih organa (u daljem tekstu: rukovodilac Gradskog organa), kao i akta koje potpisuju predsjednici odnosno predsjedavajući stalnih i povremenih radnih tijela (komisije i druga radnja tijela) Gradskih organa, čija je obaveza osnivanja utvrđena zakonom, drugim propisima donešenim na osnovu zakona ili aktima Gradskih organa.

(3) Ukoliko se izdaje prepis akta pečati se stavljuju uz potpis ovlaštenog lica koje ovjerava istovjetnost prepisa akta sa njegovim izvornikom.

## DIO II – OBLIK, SADRŽAJ I IZRADA PEČATA

### Član 4. (Oblik i sadržaj pečata)

(1) Pečat je okruglog oblika prečnika 50 mm i sadrži tekst: Bosna i Hercegovina – Federacija Bosne i Hercegovine – Zeničko-dobojski kanton – Grad Zavidovići, kao i naziv organa Grada, sve ispisano u koncentričnim krugovima.

(2) U sredini pečata nalazi se grb Grada Zavidovići.

### Član 5. (Mali pečat)

(1) Za potvrđivanje službenih legitimacija, finansijskih i drugih dokumenata, organi Grada imaju i mali pečat.

(2) Mali pečat je prečnika 20 mm i sadrži isti tekst kao i veliki pečat, s tim da se taj tekst može skratiti skraćivanjem pojedinih riječi, ali tako da sadržaj pečata bude jasan, vidljiv i čitljiv.

### Član 6. (Broj pečata)

(1) Gradski organi u pravilu imaju jedan pečat prečnika 50 mm za otiske u hemijskoj boji, a ako je to neophodno zbog organizacije rada, mogu imati i više takvih pečata.

(2) Potrebu za više pečata aktom odobrava gradonačelnik na obrazloženi zahtjev Gradskog organa.

(3) Pored pečata iz stava (1) ovog člana, Gradski organi mogu imati i pečat za otiske u pečatnom vosku i za suhi otisak na određenim službenim aktima, ako je to posebnim propisima određeno.

(4) Ako Gradski organi imaju više pečata iste veličine i sadržaja, svaki primjerak mora biti označen različitim arapskim brojem.

### Član 7. (Izrada pečata)

(1) Izradu pečata Gradskih organa na njihov zahtjev odobrava gradonačelnik rješenjem koje se objavljuje u „Službenom glasniku Grada Zavidovići“ i jedan primjerak se dostavlja službi za opću upravu Grada Zavidovići radi evidencije.

(2) Zahtjev za izradu pečata odbit će se ako podnositelj zahtjeva nema pravo na pečat, ili ako se zahtjev odnosi na odobravanje pečata čiji su sadržaj, dimenzije ili broj primjeraka suprotni odredbama ove Odluke.

(3) Izradu pečata vrši služba za opću upravu Grada Zavidovići na način i po postupku koji je uređen propisima o javnim nabavkama.

(4) Evidenciju o svim pečatima koji su u upotrebi kod Gradskih organa vodi služba za opću upravu Grada Zavidovići.

## DIO III – RUKOVANJE, UPOTREBA, ČUVANJE I UNIŠTAVANJE PEČATA

### Član 8. (Rukovanje i upotreba pečata)

(1) Pečatom rukuje i upotrebljava ga rukovodilac Gradskog organa.

(2) Pečatom može rukovati i upotrebljavati ga i lice Gradskog organa koje ovlasti posebnim rješenjem rukovodilac Gradskog organa i kojim se reguliše upotreba i čuvanje pečata kao i odgovornost lica za te radnje, te čuvanje i upotreba pečata u slučaju odsutnosti ovlaštenog lica.

(3) Rješenje iz stava (2) ovog člana objavljuje se u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

### Član 9. (Način stavljanja otiska)

Otisak pečata se stavlja sa lijeve strane potpisa ovlaštenog lica za potpisivanje službenih akata, ako zakonom ili drugim propisom nije drugačije određeno.

### Član 10. (Čuvanje pečata)

(1) Pečat čuva i upotrebljava lice određeno za rukovanje i upotrebu pečata u skladu sa odredbom člana 8. ove Odluke.

(2) Pečati se čuvaju i upotrebljavaju na način kojim se otklanja svaka mogućnost njihove zloupotrebe.

(3) Ovlašteno lice čuva pečat zaključan na određenom mjestu nedostupan ostalim licima i nakon upotrebe pečat se odmah vraća na to mjesto i zaključava.

### Član 11. (Mjesto upotrebe pečata)

(1) Pečati se upotrebljavaju u službenim prostorijama Gradskih organa.

(2) Izuzetno od stava (2) ovog člana po odobrenju rukovodioca Gradskog organa pečat može biti upotrijebljen i van službenih prostorija kada to iziskuje priroda posla i kada treba izvršiti određene službene radnje van tih prostorija.

### Član 12. (Uništavanje pečata)

(1) Pečat koji je zbog istrošenosti, oštećenja ili iz drugih razloga postao neupotrebljiv mora se odmah uništiti, o čemu se stara rukovodilac Gradskog organa ili službeno lice ovlašteno za čuvanje ili upotrebu pečata.

(2) Pečat se smatra neupotrebljivim zbog istrošenosti i oštećenja ako se iz njegovog otiska jasno ne vidi tekst koji daje otisak pečata.

(3) Gradski organi podnose zahtjev za uništavanje pečata gradonačelniku koji mora biti obrazložen i sadrži broj primjeraka pečata, njihove otiske i razloge zbog kojih se traži uništavanje pečata.

### Član 13. (Rješenje o uništenju pečata)

(1) Gradonačelnik donosi rješenje o odobravanju uništavanja pečata koje sadrži podatke o pečatu koji se uništava, sastav komisije koja će uništiti pečat, rok i način uništavanja pečata.

(2) Rješenje iz stava (4) ovog člana objavljuje se u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

**Član 14.**  
(Postupak uništavanja pečata)

(1) Uništavanje gumenih pečata vrši se spaljivanjem, a pečati za otisak u vosku i suhi pečati uništavaju se mehaničkim putem na način da se izvrši potpuno skidanje i uništenje teksta pečata.

(2) Uništavanje pečata vrši komisija od tri člana koja je dužna sačiniti zapisnik koji sadrži datum kada su pečati uništeni, broj komada pečata, otiske pečata, naziv organa čiji su pečati uništeni i način uništavanja pečata.

(3) Komisija primjerak zapisnika dostavlja službi za opću upravu Grada Zavidovići radi evidencije o uništenim pečatima i Gradskom organu čiji se pečat uništava.

**Član 15.**  
(Nestanak pečata)

(1) Rukovodilac Gradskog organa ili lice ovlašteno za čuvanje i upotrebu pečata, dužni su odmah po saznanju prijaviti nestanak ili gubitak pečata službi za opću upravu Grada Zavidovići.

(2) Nestanka pečata za koji se sumnja da je krađa pečata gradonačelnik je dužan prijaviti Ministarstvu unutrašnjih poslova Zeničko-dobojskog kantona putem Policijske stanice Zavidovići.

**Član 16.**  
(Rješenje o nevažećem pečatu)

(1) Gradonačelnik donosi rješenje kojim se nestali ili izgubljeni pečat proglašava nevažećim pečatom, koje se objavljuje u „Službenom glasniku Grada Zavidovići“ i jedan primjerak dostavlja se službi za opću upravu Grada Zavidovići radi evidencije.

(2) U slučaju pronalaženja nevažećeg pečata, isti će biti uništen u skladu sa odredbom člana 11. stav (3) ove Odluke.

(3) Novi pečat koji se izrađuje umjesto nestalog pečata mora biti posebno označen rimskim brojem.

**DIO V – KAZNENE ODREDBE**

**Član 17.**

(1) Novčanom kaznom u iznosu 100,00 KM kaznit će se lice iz Gradskog organa ako:

- a) Izradi pečata bez odobrenja gradonačelnika (Član 7. stav (1)),
- b) Ne vodi evidenciju o svim izrađenim, uništenim i izgubljenim ili nestalim pečatima (Član 7. stav (4), član 13. stav (2) i član 16. stav (1)),
- c) Rukuje i upotrebljava pečat bez posebnog odobrenja rukovodioca Gradskog organa (Član 8. stav (2)),
- d) Ne vodi evidenciju o rješenjima za upotrebu i rukovanje pečatima, rješenjima o uništavanju pečata, zapisnicima o uništavanju pečata i rješenjima o proglašenju pečata nestalim ili izgubljenim (Član 8. stav (3), član 13. stav (2), član 14. stav (3) i član 16. stav (1)),

- e) Ne čuva pečat na propisan način (član 10. stav (2) i (3)),
- f) Upotrebljava pečat van službenih prostorija bez odobrenja rukovodioca Gradskog organa (član 11. stav (2)),
- g) Uništi pečat bez rješenja gradonačelnika (član 13. stav (1)),
- h) Ne uništi pečat na propisan način (Član 14. stav (1) i (2)),
- i) Ne prijavi nestanak pečata (član 15. stav (1)).

(2) Novčanom kaznom u iznosu 200,00 KM kaznit će se rukovodlac Gradskog organa ako:

- a) Izradi pečata bez odobrenja gradonačelnika (Član 7. stav (1)),
- b) Ne vodi evidenciju o svim izrađenim, uništenim i izgubljenim ili nestalim pečatima (Član 7. stav (4), član 13. stav (2) i član 16. stav (1)),
- c) Ne vodi evidenciju o rješenjima za upotrebu i rukovanje pečatima, rješenjima o uništavanju pečata, zapisnicima o uništavanju pečata i rješenjima o proglašenju pečata nestalim ili izgubljenim (Član 8. stav (3), član 13. stav (2), član 14. stav (3) i član 16. stav (1)),
- d) Uništi pečat bez rješenja gradonačelnika (član 13. stav (1)),
- e) Ne prijavi nestanak pečata (član 15. stav (1)).

## DIO VI – NADZOR NAD PROVOĐENJEM ODLUKE

Član 18.  
(Nadzor)

Nadzor nad provođenjem ove Odluke vrši služba za upravu Grada Zavidovići nadležna za izvršavanje poslova i zadataka opće uprave.

## DIO VII – PRELAZNE I ZAVRŠNE ODREDBE

Član 19.  
(Ravnopravnost spolova)

Sve imenice koje su upotrebljene u ovoj Odluci podrazumijevaju uključivanje oba roda.

Član 20.  
(Primjena na druge postupke)

Odredbe člana 7. do 16. ove Odluke se primjenjuju i na štambilje Grada Zavidovići.

Član 21.  
(Započeti postupci)

Svi postupci koji do dana stupanja na snagu ove Odluke nisu pravosnažno okončani završit će se po odredbama propisa koji je bio na snazi u vrijeme donošenja ove Odluke.

Član 22.  
(Prestanak važenja)

Stupanjem na snagu ove Odluke prestaje da važi Odluka o pečatu općine Zavidovići („Službeni glasnik Općine Zavidovići“, broj: 11/2013 i 8/2020) i Upustvo o čuvanju, upotrebi i uništavanju pečata Općine Zavidovići („Službeni glasnik Općine Zavidovići“, broj: 13/2013).

**Član 22.**  
**(Stupanje na snagu)**

Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI  
GRADSKOG VIJEĆA**

Admir Fojnica prof.

## OBRAZLOŽENJE

### USTAVNOPRAVNI I ZAKONSKI OSNOV ZA DONOŠENJE NACRTA ODLUKE

U članu 6. stav (4) Privremene Statutarne odluke Grada Zavidovići („Službene glasnik općine Zavidovića“, broj: 4/2022), propisano je: „Uslovi i način upotrebe pečata Grada Zavidovići propisuje se posebnom Odlukom Gradskog vijeća“.

### RAZLOZI ZA DONOŠENJE NACRTA ODLUKE I OBJAŠNJENJE ODABRANE POLITIKE

Stupanjem na snagu Privremene statutarne odluke Grada Zavidovići (Službeni glasnik Općine Zavidovići“, broj: 4/2022) službe za upravu i posebne službe Općine Zavidovići i Općinsko pravobranilaštvo Zavidovići postaju i počinju koristiti nazine u svom radu i aktima kao službe za upravu i posebne službe Grada Zavidovića i Gradsko pravobranilaštvo Zavidovići.

U skladu sa Zakonom o Gradu Zavidovići („Službene novine Federacije BiH“, broj: 17/22) i Privremenom Statutarnom Odlukom Grada Zavidovići korištenje naziva općine/Općine Zavidovići zamjenjuje se nazivom Grad Zavidovići u radu, aktima, oznakama i drugim slučajevima, te su službe i organi dužni primjenjivati u svom radu i vršiti potrebna usklađivanja. Imajući u vidu navedeno da će se navedene promjene odraziti na pečat Grada Zavidovići, predlaže se donošenje ove Odluke.

### USKLAĐENOST ODLUKE S KANTONALNIM I FEDERALNOM ZAKONODAVSTVOM

Ovaj Nacrt Odluke nije u suprotnosti sa Zakonom o Gradu Zavidovići, Zakonom o principima lokalne samouprave, Zakonom o organizaciji uprave u Federaciji Bosne i Hercegovine („Službene novine FBIH“, broj: 35/05), Zakonom lokalnoj samoupravi („Službene novine ZDK“, broj: 13/98), te je usklađen sa Privremenom Statutarnom Odlukom Grada Zavidovići.

### OBRAZLOŽENJE PRAVNIH RJEŠENJA U NACRTU ODLUKE PROVEDBENI MEHANIZMI I NAČIN OSIGURAVANJA POŠTIVANJA NACRTA ODLUKE

Ovim Nacrtom Odluke izvršena je sinteza pravnih rješenja sadržanih u Odluci o pečatu Općine Zavidovići („Službeni glasnik Općine Zavidovići“, broj: 11/2013 i 8/2020) i Upustvu o čuvanju, upotrebi i uništavanju pečata Općine Zavidovići („Službeni glasnik općine Zavidovići“, broj: 13/2013).

Obzirom da je Odluka o pečatu Općine Zavidovići i Upustvo o čuvanju, upotrebi i uništavanju pečata Općine Zavidovići u primjeni od 2013. godine sa istim ili sličnim tekstom u pretežnom dijelu u odnosu na ovaj Nacrt Odluke, nije potrebno vršiti obrazloženje pojedinih pravnih rješenja.

Ova odluka je izvršila spajanje važeće Odluke o pečatu općine Zavidovići i Upustva o čuvanju, upotrebi i uništavanju pečata Općine Zavidovići, tako da se neće donosti provedbeni akti za primjenu ove Odluke.

Također u odnosu na važeću Odluku o pečatu općine Zavidovići, ovom Odlukom su propisane kaznene odredbe zbog značaja pečata u radu organa uprave i drugih organa Grada Zavidovići sa ciljem da se spriječe eventualne pojave nepravilnosti u ovoj oblasti.

Nadzor nad provođenjem ove Odluke povjeren je službi za upravu Grada Zavidovići nadležnoj za izvršavanje poslova i zadatka opće uprave.

## OBRAZLOŽENJE FINANSIJSKIH SREDSTAVA ZA PROVOĐENJE NACRTA ODLUKE I FINANSIJSKI EFEKTI NACRTA ODLUKE

Za provođenje ove Odluke nije potrebno obezbijediti posebna finansijska sredstava budući da su pečati Grada zamijenjeni nakon stupanja na snagu Privremene Statutarne Odluke Grada Zavidovići.

### OPIS KONSULTACIJA VOĐENIH U PROCESU IZRADE NACRTA ODLUKE

U izradi ove Odluke nije bilo potrebno voditi konsultacije.

GRADONAČELNIK

doc.dr. Hašim Mujanović

Obradila: Naila  
(Naila Jusupović)

Kontrolisao: Nermin Čahtarević  
(Nermin Čahtarević)



**I – AKTI OPĆINSKOG VIJEĆA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVICI  
OPĆINSKO VIJEĆE  
Broj: 01-31-3450/13  
Datum: 21.11.2013.godine



Na osnovu člana 11. i 25. Statuta općine Zavidovići („Službene glasnik općine Zavidovići“ broj 5/08 i 5a/08), Općinsko vijeće Zavidovići, na 12. sjednici održanoj 31.10. i 21.11.2013. godine donosi

**O D L U K U**  
o pečatu općine Zavidovići

**I - OPĆE ODREDBE**

**Član 1.**

**(predmet)**

Ovom Odlukom utvrđuju se organi općine Zavidovići ( u daljem tekstu: organi Općine), koji imaju pravo na pečat općine Zavidovići, oblik i sadržaj pečata, izrada pečata, čuvanje i upotreba pečata, kao i druga pitanja u vezi pečata organa općine Zavidovići.

**Član 2.**

**(posjedovanje pečata)**

Pravo na pečat općine Zavidovići imaju:

- Općinsko vijeće,
- Općinski načelnik,
- Općinske službe za upravu,
- Stručna služba Općinskog vijeća,
- Kabinet općinskog načelnika,
- Općinsko pravobranilaštvo i
- Općinska izborna komisija

**Član 3.**

**(značaj pečata)**

Pečatom se utvrđuje autentičnost službenih akata organa u članu 2. ove Odluke ( u daljem tekstu: organa Općine).

Pečat se stavlja na akta koje potpisuju rukovodioci ili predsjedavajući tih organa ( u daljem tekstu: rukovodilac organa), kao i akta koje potpisuju predsjednici odnosno predsjedavajući stalnih i povremenih radnih tijela (komisije i druga radnja tijela) tih organa, čija je obaveza osnivanja utvrđena zakonom, drugim propisima donesenim na osnovu zakona ili aktima organa iz člana 2. ove Odluke.

**II - OBLIK I SADRŽAJ PEČATA****Član 4.****(oblik i sadržaj)**

Pečat je okruglog oblika prečnika 50 mm i sadrži tekst: Bosna i Hercegovina – Federacija Bosne i Hercegovine – Zeničko-dobojski kanton – općina/opština Zavidovići, kao i naziv organa Općine, sve ispisano u koncentričnim krugovima.

U sredini pečata nalazi se grb općine Zavidovići.

**Član 5.**

Za potvrđivanje službenih legitimacija, finansijskih i drugih dokumenata, organi Općine imaju i mali pečat.

Mali pečat je prečnika 20 mm i sadrži isti tekst kao i veliki pečat, s tim da se taj tekst može skratiti, i to skraćivanjem pojedinih riječi, ali tako da sadržaj pečata bude jasan, vidljiv i čitljiv.

**Član 6.****(broj pečata)**

Organji Općine, u pravilu imaju jedan pečat prečnika 50 mm, za otiske u hemijskoj boji, a ako je to neophodno zbog organizacije rada, mogu imati i više takvih pečata.

Potrebu za više pečata aktom utvrđuje Općinski načelnik na obrazloženi zahtjev organa Općine.

Pored pečata iz stava 1. ovog člana, organi Općine mogu imati i pečat za otiske u pečatnom vosku i za suhi otisak na određenim službenim aktima, ako je to posebnim propisima određeno.

Ako organi Općine imaju više pečata iste veličine i sadržaja, svaki primjerak mora biti označen različitim arapskim brojem.

**III - IZRADA PEČATA****Član 7.****(odobravanje izrade pečata)**

Izradu pečata organa Općine, rješenjem odobrava Općinski načelnik.

Zahtjev za izradu pečata odbit će se ako podnositelj zahtjeva nema pravo na pečat, ili ako se zahtjev odnosi na odobravanje pečata čiji su sadržaj, dimenzije ili broj primjeraka suprotni odredbama ove Odluke.

Izrada pečata se vrši na način i po postupku koji je uređen propisima o javnim nabavkama.

Evidenciju o svim pečatima koji su u upotrebi kod organa Općine, iz člana 2. ove Odluke, vodi općinska služba za opću upravu.

**IV - ČUVANJE I UPOTREBA PEČATA****Član 8.****(rukovanje pečatom)**

Pečatom rukuje i upotrebljava ga rukovodilac organa Općine.

Pečatom može rukovati i upotrebljavati ga i službeno lice organa Općine, koje posebnim rješenjem ovlasti rukovodilac tog organa.

**Član 9.****(način stavljanja otiska)**

Otisak pečata se stavlja sa lijeve strane potpisa ovlaštenog lica za potpisivanje službenih akata, ako zakonom ili drugim propisom nije drugačije određeno.

**Član 10.****(čuvanje pečata)**

Pečati se moraju čuvati i upotrebljavati tako da se onemogući njihova zloupotreba.  
Čuvanje i upotreba pečata se vrši na način koji će se utvrditi posebnim uputstvom.

**Član 11.****(uništavanje pečata)**

Pečat koji je zbog istrošenosti ili iz drugih razloga postao neupotrebljiv, mora se odmah uništiti, o čemu se stara rukovodilac organa ili službeno lice ovlašteno za čuvanje ili upotrebu pečata.

Pečat se smatra neupotrebljivim zbog istrošenosti ako se iz njegovog otiska jasno ne vidi tekst koji daje otisak pečata.

Uništavanje neupotrebljivih pečata se vrši na način i po postupku koji će se utvrditi posebnim uputstvom.

**Član 12.****(nestanak pečata)**

Rukovodilac organa, ili službeno lice ovlašteno za čuvanje i upotrebu pečata, dužni su, odmah po saznanju, prijaviti nestanak pečata općinskoj službi za upravu nadležnoj za poslove opće uprave.

Općinska služba za upravu, iz prethodnog stava, dužna je nestanak pečata odmah prijaviti Ministarstvu unutrašnjih poslova Zeničko–dobojskog kantona i oglasiti u službenom glasilu Federacije Bosne i Hercegovine.

Nestali pečat smatra se nevažećima od dana oglašavanja, a u slučaju kasnijeg pronalaženja nevažeći pečat će biti uništen u skladu sa odredbom člana 11. stav 3. ove Odluke.

Novi pečat koji se izrađuje umjesto nestalog pečata mora biti posebno označen rimskim brojem.

**V - PRELAZNE I ZAVRŠNE ODREDBE****Član 13.****(usklađivanje pečata)**

Organi Općine iz člana 2. ove Odluke koji imaju pečat općine Zavidovići, dužni su, u roku od 15 dana od dana stupanja na snagu ove Odluke, općinskoj službi za upravu nadležnoj za poslove opće uprave, podnijeti pismeni zahtjev za odobravanje izrade novog pečata ukoliko je isti u suprotnosti sa odredbama ove Odluke.

Prilikom preuzimanja novog pečata službe su dužne predati stare pečate s pismenim zahtjevom za njihovo uništenje.

**Član 14.****(donošenje akata)**

Općinski načelnik će u roku 30 dana od dana stupanja na snagu ove odluke donijeti uputstvo iz člana 10. stav 2. i člana 11. stav 3. ove Odluke.

**Član 15.****(stupanje na snagu)**

Odluka stupa na snagu prvog narednog dana od dana objavljivanja u „Službenom glasniku općine Zavidovići“.

**ZAMJENIK PREDSJEDAVAJUĆEG  
OPĆINSKOG VIJEĆA**

(M.P.)

Aziz Softić, s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVICI  
OPĆINSKO VIJEĆE



Broj: 01-04-2186/20-AP-3

Datum: 30.09.2020. godine

Na osnovu člana 11. i 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Općinsko vijeće Zavidovići, na 50. sjednici održanoj 30.09. 2020. godine, donosi

**O D L U K U**  
**o izmjenama Odluke o pečatu općine Zavidovići**

**Član 1.**

U Odluci o pečatima općine Zavidovići („Službeni glasnik Općine Zavidovići“, broj: 11/2013), u članu 2. alineja peta tekst „Kabinet općinskog načelnika“ zamjenjuje se tekstrom „Stručna služba općinskog načelnika“.

**Član 2.**

Odluka stupa na snagu prvog narednog dana od dana objavljivanja u „Službenom glasniku Općine Zavidovići“.

**ZAMJENIK PREDSJEDAVAJUĆEG  
OPĆINSKOG VIJEĆA**

(M.P.)

Nermin Halilčević, s.r.

BOSNA I HERCEGOVINA  
 FEDERACIJA BOSNE I HERCEGOVINE  
 ZENIČKO-DOBOKSKI KANTON  
 OPĆINA ZAVIDOVICI  
 OPĆINSKI NAČELNIK  
 Broj: 02-05-4483/13  
 Datum: 20.12.2013. godine



Na osnovu člana 14. Odluke o pečatu općine Zavidovići ( „Službeni glasnik općine Zavidovići“ broj : 11 /13) i člana 39. Statuta općine Zavidovići („Službeni glasnik općine Zavidovići“ broj:5/08 i 5a/08), Općinski načelnik donio je

**U P U T S T V O**  
 o čuvanju, upotrebi i uništavanju pečata  
 Općine Zavidovići

**I OPĆE ODREDBE**

1. Ovim Uputstvom pobliže se uređuje čuvanje, upotreba i uništavanje pečata Općine Zavidovići organa iz člana 2. Odluke o pečatu općine Zavidovići („Službeni glasnik općine Zavidovići“ broj: 11/13) u daljem tekstu: Odluka.

**II ČUVANJE I UPOTREBA PEČATA**

2. Pečate općine Zavidovići čuvaju i upotrebljavaju lica određena za rukovanje i upotrebu pečata u skladu sa odredbom člana 8. Odluke.

Rješenjem iz člana 8. stav 2. Odluke reguliše se upotreba i čuvanje, pečata kao i odgovornost lica za te radnje, te čuvanje i upotreba pečata u slučaju odsutnosti ovlaštenog lica.

Organji iz člana 2. Odluke dostavljaju primjerak rješenja iz člana 8. stav 2. Odluke Službi za upravu društvenih djelatnosti i opću upravu radi vođenja evidencije.

3. Pečati se čuvaju i upotrebljavaju na način kojim se otklanja svaka mogućnost njihove zloupotrebe.

4. Ovlašteno lice čuva pečate zaključane na određenom mjestu nedostupne ostalim licima. Nakon upotrebe pečati se odmah vraćaju na to mjesto i zaključavaju.

5. Pečati se upotrebljavaju u službenim prostorijama organa općine Zavidovići.

Izuzetno po odobrenju rukovodioca organa iz člana 2. Odluke, pečati mogu biti upotrijebeni i van službenih prostorija kada to iziskuje priroda posla i kada treba izvršiti određene službene radnje van tih prostorija.

6. Pečati se stavljuju na izvorna akta organa općine Zavidovići koji imaju pravo na pečat po članu 2. Odluke.

Ukoliko se izdaje prepis akta pečati se stavljuju uz potpis ovlaštenog lica koje ovjerava istovjetnost prepisa akta sa njegovim izvornikom.

7. Služba za upravu društvenih djelatnosti i opću upravu vodi evidenciju o svim pečatima koji su na upotrebi kod organa Općine iz člana 2. Odluke.

### **III UNIŠTAVANJE PEČATA**

8. Organi općine iz člana 2. Odluke dostavljaju svoje pečate, koji su zbog istrošenosti ili iz drugih razloga postali neupotrebljivi, Službi za upravu društvenih djelatnosti i opću upravu radi uništavanja.

Organi iz prethodnog stava ove tačke dostavljaju Službi za upravu društvenih djelatnosti i opću upravu i pečate koji se moraju zamijeniti novim pečatima zbog promjena naziva organa, sjedišta ili iz drugih razloga.

9. Pečati iz tačke 8. ovog Uputstva dostavljaju se sa zahtjevom koji treba da sadrži broj primjeraka pečata, njihove otiske i razloge zbog kojih se pečati dostavlja na uništavanje.

10. Uništavanje pečata vrši komisija od tri člana koju obrazuje rukovodilac organa uprave općine Zavidovići.

O uništenim pečatima komisija sačinjava zapisnik koji sadrži: datum kada su pečati uništeni, broj komada pečata, otiske pečata, naziv organa čiji su pečati uništeni i način uništavanja pečata. Zapisnik potpisuju svi članovi komisije.

Primjerak zapisnika iz stava 2. ove tačke dostavlja se organu čiji su pečati uništeni.

11. Uništavanje gumenih pečata vrši se spaljivanjem, a pečati za otisak u vosku i suhi pečati uništavaju se mehaničkim putem na način da se izvrši potpuno skidanje i uništenje teksta pečata.

12. Služba za upravu društvenih djelatnosti i opću upravu vodi evidenciju o uništenim pečatima.

### **IV ZAVRŠNE ODREDBE**

O načinu čuvanja, upotrebi i uništavanju pečata koji nije regulisan Odlukom o pečatu općine Zavidovići i ovim Uputstvom odlučuje rukovodilac organa uprave.

Uputstvo stupa na snagu danom donošenja, a objavit će se u „Službenom glasniku općine Zavidovići“.

**OPĆINSKI NAČELNIK**

(M.P.)      Suad Omarašević, dipl.ing.maš., s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOSKI KANTON  
GRAD ZAVIDOVIĆI  
GRADSKO VIJEĆE  
**Komisija za Statut i propise**  
Broj: 01-04-1916/23-AP-2  
Datum: 14.09.2023. godine



Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 30. sjednici održanoj dana 14.09.2023. godine, razmatrala je Nacrt Odluke o pečatu Grada Zavidovići, pa nakon rasprave donijela

## ZAKLJUČAK

1. Komisija za Statut i propise smatra da je Nacrt Odluke o prčatu Grada Zavidovići, u skladu sa zakonom i drugim propisima.
2. Komisija za Statut i propise smatra da je Nacrt Odluke o pečatu Grada Zavidovići, pripremljen u skladu sa članom 13. Zakona o principima lokalne samouprave u Federacije Bosne i Hercegovine („Službene novine Federacije BiH“, broj: 49/06) i članom 6. stav (4) i 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022).
3. Komisija za Statut i propise smatra da je Nacrt Odluke o pečatu Grada Zavidovići, pripremljen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).
4. Nacrt Odluke o pečatu Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
5. O realizaciji ovog Zaključka starat će se Stručna služba Gradskog vijeća.

